



2020 йил "5" март

Гиждувон тумани

№ 210

Туман ҳудудидаги юридик ва жисмоний шахсларга тегишли
автомототранспорт воситалари ва уларнинг тиркамаларини мажбурий
техник кўриқдан ўтказиш ҳақида

Ўзбекистон Республикасининг "Йўл ҳаракати хавфсизлиги тўғрисида"ги Қонуни (Ўзбекистон Республикаси қонун ҳужжатлари тўплами 2013 йил 15 сои 197-модда) ҳамда Ўзбекистон Республикаси Вазирлар Маҳкамасининг 2003 йил 31 январдаги 54-сонли "Транспорт воситаларини мажбурий техник кўриқдан ўтказиш тартиби тўғрисидаги Низомни тасдиқлаш ҳақида"ги Қарори (Ўзбекистон Республикаси қонун ҳужжатлари тўплами. 2003 йил 1-2 сои 17 модда) мувофиқ туманда йўл ҳаракати хавфсизлигини таъминлаш мақсадида

Қ А Р О Р Қ И Л А М А Н:

1. Туман Ички ишлар бўлими (Ў.Ё.Сойибов), Мудофаа ишлари бўлими (Р.Муродов) белгиланган тартибда ДЙХХХ органларида рўйхатдан ўтказилган юридик ва жисмоний шахсларнинг транспорт воситаларини мажбурий техник кўриқдан ўтказиш ишларини ташкиллаштирилсин.

2. Транспорт воситалари қуйидаги даврийликка мувофиқ техник кўриқдан ўтказилсин:

а) тижорат асосида йуловчилар ташиши учун фойдаланиладиган энг автомобиллар, автобуслар ва ўтирадиган жойлар сони 8 та ва ундан ортиқ бўлган йуловчиларни мунтазам ташиш учун жиҳозланган юк автомобиллари, йири габаритли, оғир вазини ва хавфли юкларни ташиш учун мўлжалланган транспорт воситалари ва уларнинг тиркамаларини бир йилда икки мартаба, 1 мартдан 30 апрелгача, 1 сентябрдан 31 октябргача техник кўриқдан ўтказиш;

б) ишлаб чиқарилганига беш йилдан кўп бўлмаган (ишлаб чиқарилган йил ҳам шу жумлага кирази) транспорт воситаларини (юкорида қайд қилинган транспорт воситаларидан ташқари) икки йилда бир марта техник кўриқдан ўтказиш;

в) ишлаб чиқарилган йилини ҳисобга олган ҳолда ишлаб чиқарилганлигини беш йилдан ортиқ бўлган транспорт воситалари шунингдек, ишлаб чиқарилган вақти аниқланмаган транспорт воситаларини ҳар йили бир марта техник кўриқдан ўтказиш;

г) тиркамалар кўрикка транспорт воситаси—шатакчи учун белгиланган муддатларга;

ДЙХХХ органларида рўйхатдан ўтказилган кундан бошлаб улардан фойдаланишни биринчи йили мобайнида транспорт воситалари техник кўриқдан ўтказилмайди.

3. Мазкур қарорнинг 2-банди "а" кичик бандида кўрсатилган транспорт воситаларини техник кўриги:

Биринчи марта – 1 мартдан 30 июнгача;

Иккинчи марта – 1 сентябрдан 31 октябргача ўтказилсин.

Юридик шахсларга қарашли транспорт воситаларининг техник кўриги 1 мартдан 30 июнгача ўтказилсин;

4. Транспорт воситалари техник кўриқдан ўтказилганлиги учун (мототранспорт тиркамалар ва ярим тиркамалардан ташқари) энг кам ойлик иш хакининг ўндан бир қисми миқдорида йиғим ундирилади.

Мазкур қарорнинг иккинчи банди "а" кичик бандига кўрсатилган транспорт воситалари иккинчи марта техник кўриқдан ўтказилганлиги учун йиғим ундирилмайди.

Мототранспорт тиркамалар ва ярим тиркамалар техник кўриқдан ўтказилганлиги учун энг кам ойлик иш хакининг йиғирмадан бири миқдорида йиғим ундирилади.

Биринчи (олдинги) техник кўриқда носоз деб топилган транспорт воситалари такрорий техник кўриқдан ўтказилганлиги учун белгиланган миқдорларда йиғим ундирилади.

Техник кўриқ ўтказилганлиги учун йиғим суммаси тегишли маҳаллий бюджетга ўтказилсин.

5. Техник кўриқ ўтказиш жадвали биринчи иловага;

Техник кўриқни ўтказиш бўйича комиссиянинг таркиби иккинчи иловага мувофиқ тасдиқлансин.

6. Техник кўриқни ўтказиш бўйича комиссия раиси А.Жумаев;

Юридик шахсга техник кўриқ ўтказиладиган муддатлар тўғрисидаги билдиришномалар юбориш;

Техник кўриқ ташкилотларда, диагностика станцияларида ва техник хизмат кўрсатиш станцияларида иш вақтида техник техник назорат постларида иш кунларининг кундузги ва тунги вақтларида ёки хафтанинг дам кунларидан бирида ўтказиш;

Техник кўриқдан ўтказишда техник жиҳатдан носоз деб топилган транспорт воситасининг шунингдек, техник ҳолати белгиланган талабларга жавоб бермайдиган ёки тегишли рухсатномасиз қайта жиҳозланган транспорт воситаларининг камчиликлари ва носозликлар бартараф этиш бўйича белгиланган тартибда чоралар кўриш.

7. Мазкур қарор билан туман ҳокимининг 2019 йил 28 феврал кунидаги 1317-сонли қарори ўз кучини йўқотган деб ҳисоблансин.

8. Мазкур қарор "Ғиждувон" газетасида эълон қилинсин ва давлат ҳисобига олиш учун вилоят адлия бошқармасига тақдим этилсин.

9. Ушбу қарор расмий эълон қилинган кундан эътиборан кучга кирази.

10. Ушбу қарорнинг бажарилишини назорат қилиш туман ҳокимининг биринчи ўринбосари зиммасига юклатилсин.

Туман ҳокими

М.Умаров.

Ғиждувон туман Ҳокимининг
2020 йил «___» _____ даги
_____ - сонли қарорига илова.

Транспорт воситаларини мажбурий техник кўрикдан ўтказиш
туман комиссияси

ТАРКИБИ

А.Жумаев

- туман ИИБ ЙХХ бўлинмаси бошлиғи комиссия раиси

Аъзолари

1. Д.Холиқов

- Ғиждувон Автодепартаменти бошлиғи

2. Р.Муродов

- туман мудофаа ишлари бўлими бошлиғи

3. Ж.Ўроқов

- туман «Автомotoҳаваскорлар» жамияти раиси

4. У.Тошев

- туман Агросуғурта бўлими бошлиғи

5. Ж.Тошов

- туман табиатни муҳофаза қилиш инспекцияси бўлим
бошлиғи